

¡BOMBA!

Tras temblor en Venezuela, hay ayuda que no alcanza; para brindar esperanza, ¡ayudar aunque nos duela!



K'UUNTSIL

Lunes 29 de junio de 2026

CAMPECHE · YUCATÁN · QUINTANA ROO · AÑO 11 · NÚMERO 2755 · www.lajornadamaya.mx

Astrónomo'obe' tu kaxto'ob ka'ap'éel nukuch planetas más jach sáal ti' u ch'ujukil algodón de azúcar

AP / P 20
Oochel NASA

Astrónomo'obe' tu kaxtajo'ob ka'ap'éel nukuch planetas maas jach sáaltako'ob ti' u ch'ujukil algodón de azúcar: ma' aali' ts'o'oke' u nojochile' je'ex u beyka'aj Júpiter.

Le ka'ap'éel nukuch ba'alo'oba' -ku sutulsuut tu bak'pachil jump'éel eek' kex mil 110 años luz náach yanik- leti'e' maas nojoch múuch' sáal exoplanetas kaxta'ani'.

Beey túuno', le je'ela' ku beetik u sútutl le ka'ap'éel planetas maas jach sáaltak k'ajóolta'an tak walkila', beey tu ya'alaj x doctora George Dransfield, ti' u noj najil xook Universidad de Oxford.

"U aalil le ka'ap'éel planetaso', beyka'aj junwóol u yo'omil afeitar, le táant u ye'ets'elo", tu ya'alaj Dransfield ti' jump'éel correo electrónico. U yéet meyajo'ob yéetel leti'e' tu ts'áajo'ob k'ajóoltbil le miércoles máaniko' ba'ax le tu kaxto'obo', tu pikil ju'unil Monthly Notices of the Royal Astronomical Society.

Dransfield ku tukultik

planetase' m'ín sak wa ch'o'oj u boonil, yaan ba'al u yil wa nookoy u ka'anilo'obi'; mix jump'íit u boonilo'ob de rosa je'ex u ch'ujukil algodón de azúcar. Beyxan ku tukla'ale' m'ín u ya'abil u wíinkilal le planetasa' de hidrógeno yéetel helio, ba'ale' yaan u yantal u beeta'al meyajo'ob yéetel telescopio espacial Webb ti'alinta'an tumen NASA ti'al u jach je'ets'el bixij.

Planetase' j ila'abo'ob tumen satélite Tess ti'alinta'an tumen NASA ichil u ts'ook lajun ja'abo'ob meyaj, ts'o'okole' tu ka'ap'éelal beey jach ts'uts'ukilo'ob yéetel ku bak'pachtiko'ob jump'éel u eek'il constelación austral Volans, k'ajóolta'an beey xik'nal kay. Aj xaak'al máako'obe' tu jach ch'úuktaj u yilko'ob bix u péek u órbitasil planetas yéetel u yáantajil telescopio'ob yaan Yóok'ol Kaabe ti'al u béeytal u jets'iko'ob u aalil, tu náachil kex mil 110 años luz. Jump'éel año luze' ku chíikbesik óoli' 9.7 billonesil kilómetros.

